

ТИББИЙ СУҒУРТА ТУРЛАРИНИНГ ТАҲЛИЛИ

Болтаев Мансуржон Сотиволдиевич

Тошкент давлат юридик университети

Фуқаролик ҳуқуқи кафедраси доценти

E-mail: beshkap0721@gmail.com

АННОТАЦИЯ

Ушбу мақолада тиббий суғурта турларининг моҳияти, уларнинг ўзаро нисбати ва қўллашнинг ўзига хос хусусиятлари таҳлил қилинади. Фуқароларнинг соғлиғини сақлашни ташкил этиш ва уни самарали амалга оширишда мақбул ва изчил ҳуқуқий механизмларни жорий этиш муҳим ўрин тутди. Тиббий суғуртанинг ихтиёрий ва мажбурий турлари амал қилишида нафақат фуқаролар ва давлат маблағлари, балки иш берувчилар ва бошқа тузилмалар маблағларини жалб этиш соғлиқни сақлаш тизимига тушаётган юкни камайтиришга хизмат қилади. Шу сабабли тиббий суғуртани таснифлаш ва турларга ажратиш, унинг асослари ва мезонларини таҳлил қилиш долзарбдир.

Калит сўзлар: тиббий суғурта, мажбурий тиббий суғурта, ихтиёрий тиббий суғурта, соғлиқни сақлаш, шартнома, хизмат кўрсатиш, тиббий муассаса.

АННОТАЦИЯ

В данной статье анализируется сущность видов медицинского страхования, их взаимосвязь и особенности применения. Внедрение приемлемых и непротиворечивых правовых механизмов имеет важное значение в организации охраны здоровья граждан и ее эффективной реализации. При осуществлении добровольных и обязательных видов медицинского страхования привлечение средств не только граждан и государства, но и работодателей и иных организаций служит снижению нагрузки на систему здравоохранения. Поэтому

важно классифицировать и разделить медицинское страхование на виды, проанализировать его основания и критерии.

Ключевые слова: медицинское страхование, обязательное медицинское страхование, добровольное медицинское страхование, здравоохранение, договор, услуга, лечебное учреждение.

Тиббий суғуртани кўллаш орқали соғлиқни сақлашга нисбатан давлат бюджети ва фуқароларнинг шахсий маблағларига тушаётган юкни камайтириш мумкин. Чунки, фуқароларнинг соғлиғи ёмонлашса ва уни тиклаш учун тиббий аралашув зарурати юзага келса тиббий суғурта ҳодисаси содир бўлган ҳисобланади ва даволаниш учун кетадиган харажатлар суғурталовчи – суғурта компаниялари томонидан қоплаш берилади. Бунда тиббий суғуртанинг қайси тури – шартномавий тури – ихтиёрий суғурта ёки тегишли давлат дастурларига асосланган тури – мажбурий тиббий суғурта қўлланилиши тиббий суғуртанинг вужудга келиш асосларига боғлиқ бўлади.

Таъкидлаш лозимки, кўпгина адабиётларда тиббий суғуртанинг фақат ихтиёрий ва мажбурий тиббий суғурта каби турлари мавжудлиги таъкидланади. Бу туркумлаш суғурта шартномасининг ихтиёрий ва мажбурий турига асосланади. Лекин, айрим адабиётларда “мажбурий” ва “ихтиёрий” атамалари ноаниқлиги, чунки давлат суғурта органи учун “ихтиёрий” суғуртани ҳам қабул қилиш мажбурияти мавжудлиги, зеро, давлат суғурта органи ташкилотлар ва фуқароларга, башарти ташкилот ёки фуқаронинг суғурталаш борасидаги таклифи қонун талабларига ва суғурта қоидаларига мувофиқ бўлса, улар билан ихтиёрий суғурта шартномалари тузишни рад эта олмаслиги таъкидланади[1].

Шу билан бирга кўпгина давлатлар қонунчилигида ҳам мазкур шакллар алоҳида эътироф этилади. Жумладан, Россия Федерациясининг “Россия Федерациясида фуқароларни тиббий суғурталаш тўғрисида”ги Қонунига кўра, тиббий суғурталашнинг мақсади, суғурта ҳодисаси юз берганда жамғарилган маблағлар ҳисобидан фуқароларга тиббий хизмат кўрсатилишини кафолатлаш

ва профилактик чора-тадбирларни молиялаштириш ҳисобланиб, у икки хил кўринишда амалга оширилади: ихтиёрий ва мажбурий[2].

Шунга ўхшаш нормалар Исроил[3], Франция[4], АҚШ ва бошқа кўплаб мамлакатларнинг қонунчилигида белгилаб қўйилган.

Бу икки тур асосан тиббий суғурта муносабатларининг вужудга келиш асослари бўйича турларга ажратишни мезон сифатида олади[5].

Лекин назаримизда, ФК ва миллий адабиётлардаги суғурта шаклларида келиб чиқиб, ихтиёрий, мажбурий ва мажбурий давлат тиббий суғуртасига бўлиш мақсадга мувофиқ. Улар ҳар бири ўз хусусияти, вужудга келиш асослари, молиялаштирилиш манбаларидан келиб чиқиб фарқланади. Зеро О.Оқюлов ва Н.Эгамбердиеваларнинг таъкидлашича, бу шакллар суғурта шартномасининг мустақил тармоқлари бўлиб, улар ўзининг иқтисодий ва юридик негизи жиҳатидан, техникаси ва амалга оширилиш йўллари жиҳатидан тамомила хилма-хилдир[6].

Бундан ташқари айрим давлатлар қонунчилигида (Германия) тиббий суғурта шартномаси жамоавий ва хусусий тиббий суғурта каби турларга бўлинган[7]. Бу шакллар моҳиятан мажбурий ва ихтиёрий тиббий суғурта шартномаси билан бир хил. Зеро мажбурий тиббий суғурта давлат томонидан мажбурий равишда амалга оширилиши, давлатнинг соғлиқни сақлаш билан боғлиқ манфаатлари билан боғлиқлиги, барча аҳоли қатламларини қамраб олиши, суғурталанувчилар учун бир хил имконият яратиб берилиши билан жамоавийдир. Ихтиёрий тиббий суғурта эса хусусий – якка шахс хоҳиш-иродаси натижасида тузилади ва у ўз хусусиятига кўра хусусий (якка) шахс манфаатларидан келиб чиқади.

Тиббий профилактика тадбирлари одатда келажакда касалликка чалинмаслик учун амалга оширилади. Масалан, эмлаш (вакцинация). Бу ҳолат ҳам юқоридаги дори-воситалари билан таъминланиш каби катта таваккалчиликка эгадир. Шу боис профилактик тадбирлар айрим давлатлар тиббий суғурта қонунчилиги мақсади таркибига киритилмаган.

Бундан ташқари, ихтисослашган тиббий хизматнинг айрим турларини суғурталашга қаратилган тиббий суғурта шартномалари ҳам тузилиши мумкин. Бу кўпинча ихтиёрий тиббий суғуртада суғурталановчининг моддий имкониятлари доирасидан келиб чиқиши мумкин. Буни “тўлиқ бўлмаган тиббий суғурта шартномаси” деб номлаш мумкин. Уларга:

бир марталик тиббий хизматни суғурталаш шартномаси;

комплекс тиббий хизматни суғурталаш шартномаси;

амбулатория ва (ёки) стационар тиббий хизматни суғурталаш шартномаси киради.

Юқоридагилардан келиб чиқадиган бўлсак, тиббий суғурта шартномаси анъанавий ва ноанъанавий йўсинда туркумлаш мумкин. Анъанавий туркумлашга ихтиёрий ва мажбурий тиббий суғуртани, ноанъанавий туркумлашга предмети ва ихтисослашуви бўйича турларга бўлинган тиббий суғурталарни киритиш мақсадга мувофиқ.

ҲОЙДАЛАНИЛГАН АДАБИЁТЛАР РЎЙХАТИ: (REFERENCES)

1. Граве К.А., Лунц Л.А. Страхование. – М.: 1960. – 24 с.
2. www.consultant.ru: Закон о медицинском страховании граждан в российской федерации (в ред. Закона РФ т 02.04.1993 N 4741-1, Федеральных законов от 29.05.2002 N 57-ФЗ, от 23.12.2003 N 185-ФЗ, от 27.07.2006 N 137-ФЗ, от 29.12.2006 N 258-ФЗ, от 23.07.2008 N 160-ФЗ, от 18.07.2009 N 185-ФЗ, от 24.07.2009 N 213-ФЗ, с изм., внесенными Указом Президента РФ от 24.12.1993 N 2288, Федеральным законом от 01.07.1994 N 9-ФЗ)
3. <http://www.israelinfo.h1.ru>
4. <http://www.securite-sociale.fr>
5. Федорова М.Ю. Медицинское право. –М.: Владос, 2004. – 39 с.
6. Муаллифлар жамоаси. Фуқаролик ҳуқуқи. Иккинчи қисм. –Тошкент: Илм зиё. 2008. – 547 б.

7. http://www.toytowngermany.com/wiki/Health_insurance Article: “Health insurance” wr. by Patrick Ott